

到馆，盖半年矣，当与律师商酌，设法裁之。

光绪七年闰七月二十九日，为咨解事案照本大臣，奉使美、日、秘三国，所有头年出洋经费等银，经江海关道，解到库平银二十万两。现经贵道台面商，划出库平银八万两，交与贵招商总局，其银随用随提，乞将收到日期见复，须至咨者。右咨督办轮船招商总局即选道唐徐。（郑藻如任案）

十二日 晴。转凉。光绪七年八月，委办轮船招商局为申复事。八月初二日奉此，查前项库平银八万两，当于本月初一日如数兑收，听候随用随提不误。

因查此款于光绪十一年八月结案。（郑藻如任案）

各国疆域

十三日 晴。查各国疆域，以英里计。英国连属地八百六十余万里，俄八百五十余万里，中四百四十余万里，美三百五十余万里，巴西三百二十余万里，土耳其一百八十余万里，法一百余万里，和六十余万里，德三十余万里，奥二十余万里，日本十四余万里，比国一万余里。

比国
(比利时)

因谨按：日本版图抵中国三十分之一耳，而崛强之势不可向迒。自夷琉球后，而法人生心于越南，英人蚕食于缅甸，皆日本启之也。中国之形势何至不如日本，而日本乃敢于侮中国哉？

吴嘉善
容闳

十四日 晴。十月，吴编修嘉善移容闳副使文：照得出洋驻美肄业局各学生业已奉文收局。惟局屋系贵大臣与前在事诸人议建，现惟有仍由贵大臣暂行派人看管，或留，或变价归公，亦应统由贵大臣酌定办理。其局中器用

15,10,15

各件，亦一并列簿照交，希即查收。又贵大臣原交洋字帐单七箱，带回无人认识，应仍检出移交，以便查校。又交来单据：工匠估开约须修理银一千二百元，翻译核开洋明年通年地税银二百七十二元，又明年通年保险一百五十元，看管工人二名，至明年洋六月底止，薪工银共四百六十元，煤炭、水火一百四十元，俱明年洋六月底止。如数备具银两，同局屋一所，局中器用帐簿一本，原来洋帐七箱，统移贵大臣查收，并希即赐收到公文，见复施行。（郑藻如任案）

因按：此移文可谓光明正大，一相形间，而贤否见焉。

十五日 晴。古巴领事谭乾初、曹廉来。

谭乾初

十二月复古巴总领事书云：以该岛当日之事势，而能有今日办理之情形，殆始愿所不及者。官工所既经撤去，华民满工者，均得为自主之人。虽其行街纸章程，朝令暮更，华民不免受累；然较之从前之被虐，相去悬绝。况各国俱已照办，我国自应从众。阁下于各埠分派代理，每照许给银纸一元，经费无须另筹，而能使权自我操，洵为善法。（郑藻如任案）

十六日 雨。谭乾初、曹廉赴古巴任。

十二月，总理衙门咨到：陈大臣第三次报销奏准案，内抄原奏汇水折耗一款，据该大臣册开奉拨经费，由上海汇至伦敦，再由伦敦分汇巴黎、马得力、华盛顿等处，转折愈多，折耗愈巨。惟各国公使经费，均由上海汇至伦

“陈大臣”
即陈兰彬

马得力
(马德里)